

**BOSNA I HERCEGOVINA
FEDERACIJA BOSNE I HERCEGOVINE
KANTON SREDIŠNJA BOSNA / SREDNJOBOSANSKI KANTON
TRAVNIK**

**MINISTARSTVO OBRAZOVANJA,
ZNANOSTI, MLADIH, KULTURE I ŠPORTA**

**MINISTARSTVO OBRAZOVANJA,
NAUKE, MLADIH, KULTURE I SPORTA**



**CENTRAL BOSNIA CANTON
MINISTRY OF EDUCATION,
SCIENCE, YOUTH, CULTURE AND SPORTS**

Travnik, Stanična 43., Te./faks.: 030/511-214, 030/518-675, www.mozks-ksb.ba, e-mail: minobsbk@bih.net.ba, mozks@sbk-ksb.gov.ba

Na osnovu Zakona o izvršavanju Budžeta Srednjobosanskog kantona za 2022. godinu (Službene novine Srednjobosanskog kantona, broj: 01/22) i Odluke Vlade o utvrđenim kriterijima raspodjele sredstva - tekući transferi za mlade broj: 01-11.7-4086/2022 od 19.5.2022. godine, Ministarstvo obrazovanja, nauke, mladih, kulture i sporta objavljuje

JAVNI POZIV

ZA SUFINANSIRANJE PROJEKATA ZA MLADE U 2022. GODINI

I. PREDMET POZIVA

Predmet poziva je dostavljanje prijava za sufinansiranje projekata za istraživanje, formiranje, promovisanje i realizaciju politike prema mladima Srednobosanskog kantona, sa pozicija:

- Tekući transferi drugim nivoima vlasti i fondovima – za mlade;
- Subvencije javnim preduzećima – ustanovama - za mlade;
- Subvencije privatnim preduzećima i poduzetnicima - za mlade;
- Tekući transferi neprofitnim organizacijama - za mlade i
- Tekući transferi pojedincima – za mlade.

II. PRAVO PRIJAVE

Pravo prijave na javni poziv imaju pravna i fizička lica (općine, mjesne zajednice, javne ustanove, javna preduzeća, neprofitne organizacije – udruženja i pojedinci) koji obavljaju djelatnosti u oblasti mladih i omladinskog aktivizma i realizuju projekte na prostoru Srednjobosanskog kantona.

III. POTREBNA DOKUMENTACIJA

Podnosioci prijava obavezni su dostaviti sljedeću dokumentaciju:

- a) Popunjen prijavni obrazac (preuzeti sa web stranice Ministarstva);
- b) Rješenje o registraciji od nadležnog suda (*pravna lica*) ili Rješenje o upisu u Registar udruženja Ministarstva pravosuđa i uprave SBK (*udruženja građana*) ili lična karta (*pojedinac*);
- c) Uvjerenje o poreznoj registraciji - identifikacijski broj;

- d) Potvrda banke iz koje je vidljiv broj transakcijskog/tekućeg računa i da je račun korisnika aktivan, za budžetske korisnike koji koriste depozitne račune potrebno je dostaviti potvrdu od pravnog lica na čije je ime otvoren depozitni račun, s brojem depozitnog računa i instrukcijom za plaćanje, (ne starija od tri mjeseca);
- e) Finansijski plan projekta.

Podnosilac zahtjeva može tražiti ukupni iznos vrijednosti projekta ili dio odgovarajućih sredstava, što je dužan naznačiti u zahtjevu. Podnosilac zahtjeva može prijaviti jedan projekat.

Napomena:

Dostavljena dokumentacija treba biti original ili kopija, a po zahtjevu komisije podnosilac prijave sve dokumente dužan je dostaviti u originalu ili ovjerenoj kopiji.

Dokumentacija treba biti prikladno uvezana u cjelinu logičkim redom prema popisu potrebne dokumentacije.

Prijedlog Odluke o raspodjeli sredstava izvršit će komisija na osnovu propisanih kriterija i istu dostaviti na uvid Ministru. Konačnu Odluku o raspodjeli sredstava donosi Vlada Srednjobosanskog kantona na prijedlog Ministarstva i ista će biti objavljena u Službenim novinama Srednjobosanskog kantona.

IV. PREUZIMANJE DOKUMENTACIJE

Svi podnosioci zahtjeva prijavnu dokumentaciju mogu preuzeti u elektronskom obliku na web stranici – www.mozks-ksb.ba.

V. NAČIN PRIJAVE

Prijave se dostavljaju, u zatvorenoj koverti, na protokol Vlade Srednjobosanskog kantona ili putem pošte na adresu:

**Srednjobosanski kanton
Ministarstvo obrazovanja, nauke, mladih, kulture i sporta
Stanična 43.
72270 Travnik**

Na koverti obavezno naznačiti **prijava na:**
„javni poziv za sufinansiranje projekata za mlade“
„NE OTVARATI“

Na poleđini koverte obavezno napisati naziv i adresu podnosioca prijave.
Rok za dostavljanje prijave je 20 (dvadeset) dana od dana objavljivanja poziva na stranici Ministarstva.

Projekti koji su dostavljeni nakon isteka roka za prijavu neće biti razmatrani.

VI. POTPISIVANJE UGOVORA

Korisnici kojima budu odobrena sredstva će potpisati sa Ministarstvom Ugovor o namjenskom utrošku dodijeljenih sredstava koja će se doznačiti na račun korisnika.

VII. TROŠKOVI PROJEKTA

U postupku razmatranja prijava na javni poziv Ministarstvo zadržava pravo da projekat prihvati u potpunosti, djelimično ili ga u potpunosti odbije, poništi javni poziv ili odbaci sve prijavljene projekte.

Ministarstvo neće snositi nikakvu odgovornost prema učesnicima poziva, niti je obavezno objasniti razloge donošenja Odluke o raspodjeli sredstava. Dostavljena dokumentacija po javnom pozivu neće se vraćati.

Broj: 04-14-620 /2022

Travnik, 07.6. 2022. godine



MINISTAR

Bojan Domić